

# 太上感應篇科會

## 甲一、總綱

乙一、感應之理：太上曰。禍福無門。惟人自召。

乙二、報應之事：善惡之報。如影隨形。

## 甲二、示警

### 乙一、示

丙一、總明：是以天地有司過之神。依人所犯輕重。以奪人算。

丙二、別示：算減則貧耗。多逢憂患。人皆惡之。刑禍隨之。吉慶避之。惡星災之。

丙三、結：算盡則死。

### 乙二、鑑察

丙一、天神：又有三臺北斗神君。在人頭上。錄人罪惡。奪其紀算。

身中神：又有三尸神。在人身中。每到庚申日。輒上詣天曹。言人罪過。

丙二、灶神：月晦之日。灶神亦然。

丙三、結勸：凡人有過。大則奪紀。小則奪算。其過大小。有數百事。欲求長生者。先須避之。

甲三、福報

乙一、總說：是道則進。非道則退。

乙二、積善

丙一、自行

丁一、存誠：不履邪徑。不欺暗室。積德累功。

丁二、修敬：慈心於物。忠孝友悌。

丙二、化他

丁一、行仁：正己化人。矜孤恤寡。敬老懷幼。

丁二、行義：昆蟲草木。猶不可傷。宜憫人之凶。樂人之善。濟人之急。救人之危。見人之得。如己之得。見人之失。如己之失。

乙三、結勸

丙一、隱惡揚善：不彰人短。不銜己長。遏惡揚善。

丙二、三善根：推多取少。受辱不怨。受寵若驚。

丙三、布施

施：施恩不求報。與人不追悔。所謂善人。人皆敬之。天道佑之。福祿隨之。眾邪遠之。神靈衛之。所作必成。神仙可冀。欲求天仙者。當立一千三百善。欲求地仙者。當立三百善。

乙一、背逆大惡：苟或非義而動。背理而行。以惡為能。忍作殘害。陰賊良善。暗侮君親。慢其先生。叛其所事。誑諸無識。謗諸同學。虛誣詐偽。攻訐宗親。剛強不仁。狼戾自用。

乙二、位高者惡：是非不當。向背乖宜。虐下取功。諂上希旨。受恩不感。忿怨不休。輕蔑天民。擾亂國政。賞及非義。刑及無辜。殺人取財。傾人取位。誅降戮服。貶正排賢。凌孤逼寡。棄法受賂。以直為曲。以曲為直。入輕為重。見殺加怒。

乙三、世俗之惡：知過不改。知善不為。自罪引他。壅塞方術。訛謗聖賢。侵凌道德。

乙四、殺生之惡：射飛逐走。發蟄驚棲。填穴覆巢。傷胎破卵。

乙五、柔弱之惡：願人有失。毀人成功。危人自安。滅人自益。以惡易好。以私廢公。竊人之能。蔽人之善。形人之醜。訐人之私。耗人貨財。離人骨肉。侵人所愛。助人為非。

乙六、剛強暴惡：逞志作威。辱人求勝。敗人苗稼。破人婚姻。苟富而驕。苟免無恥。認恩推過。嫁禍賣惡。沽買虛譽。包貯險心。挫人所長。護己所短。乘威迫脅。縱暴殺傷。

乙七、不惜物力：無故剪裁。非禮烹宰。散棄五穀。勞擾眾生。

乙八、顯橫惡：破人之家。取其財寶。決水放火。以害民居。紊亂規模。以敗人功。損人器物。以窮人用。

乙九、藏陰惡：見他榮貴。願他流貶。見他富有。願他破散。見他色美。起心私之。負他貨財。願他身死。

乙十、有陰惡：千求不遂。便生咒恨。見他失便。便說他過。見他體相不具而笑之。見他才能可稱而抑之。

乙十一、忤逆惡：埋蠱厭人。用藥殺樹。恚怒師傅。抵觸父兄。強取強求。好侵好奪。

乙十二、奪志惡：擄掠致富。巧詐求遷。賞罰不平。逸樂過節。苛虐其下。恐嚇於他。

乙十三、無忌諱惡：怨天尤人。訶風罵雨。鬥合爭訟。妄逐朋黨。用妻妾語。違父母訓。得新忘故。口是心非。貪冒於財。欺罔其上。造作惡語。讒毀平人。毀人稱直。罵神稱正。棄順效逆。背親向疏。指天地以證鄙懷。引神明而鑑猥事。

乙十四、不仁者惡：施與後悔。假借不還。分外營求。力上施設。淫欲過度。心毒貌慈。穢食餽人。左道惑眾。短尺狹度。輕秤小升。以偽雜真。採取姦利。壓良為賤。謾罵愚人。

乙十五、家庭惡：貪婪無厭。咒詛求直。嗜酒悖亂。骨肉忿爭。男不忠良。女不柔順。不和其室。不敬其夫。每好矜誇。常行妒忌。無行於妻子。失禮於舅姑。輕慢先靈。違逆上命。作為無益。懷挾外心。自咒咒他。偏憎偏愛。越井越灶。跳食跳人。損子墮胎。行多隱僻。

乙十六、不敬神明惡：晦臘歌舞。朔旦號怒。對北涕唾及溺。對灶吟詠及哭。又以灶火燒香。穢柴作食。夜起裸露。八節行刑。唾流星。指虹霓。輒指三光。久視日月。春月燎獵。對北惡罵。無故殺龜打蛇。

**丙一、罪報：**如是等罪。司命隨其輕重。奪其紀算。算盡則死。

**乙十七、結罪**

**丙二、餘報：**死有餘責  
乃殃及子孫

**丁一、盜：**又諸橫取人財者。乃計其妻子家口以當之。漸

至死喪。若不死喪。則有水火盜賊。遺亡器物。疾病口舌諸事。以當妄取之值。

**丁二、殺：**又枉殺人者。是易刀兵而相殺也。

**丁三、非義財：**取非義之財者。譬如漏脯救飢。鴆酒止渴。非不暫飽。死亦及之。

**甲五、推本念初：**夫心起於善。善雖未為。而吉神已隨之。或心起於惡。惡雖未為。而凶神已隨之。

**甲六、改過遷善：**其有曾行惡事。後自改悔。諸惡莫作。眾善奉行。久久必獲吉慶。所謂轉禍為福也。

**乙一、積善：**故吉人語善。視善。行善。一日有三善。三年天必降之福。

**甲七、結勉**  
**乙二、集惡：**凶人語惡。視惡。行惡。一日有三惡。天必降之禍。

**乙三、勸勉：**胡不勉而行之。